



Broj: T18 0 KTOV 0015892 25
Brčko, 04.12.2025. godine

Optužnica potvrđena dana 18.12.2025. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

- 1. V. H.,** rođen 1977. godine u Lukavcu,
- 2. M. H.,** rođen 1981. godine u Tuzli,
- 3. E. P.,** rođen 1978. godine u Gračanici,
- 4. „KÖNIG“ društvo sa ograničenom odgovornošću za proizvodnju, trgovinu i usluge, Brčko distrikt BiH,** zastupano po S. H., direktoru, sa sjedištem na tržnici „Arizona“, „Luxor-28“, objekat D-1-a, br. 4,5,6,7,8,9 i 10, Brčko,

Što su:

V. H., M. H. i E. P. zajedno:

1) U periodu od 2018. godine pa do 2022. godine na području Brčko distrikta Bosne i Hercegovine V. H. postupajući kao osnivač, vlasnik i lice ovlašteno za zastupanje preduzeća „KONIG“ d.o.o. Brčko, svjestan da organizuje grupu ljudi u cilju vršenja krivičnih djela - Poreska utaja- iz člana 267. stav 2) Krivičnog zakona Brčko distrikta BiH, -Podnošenje lažne poreske prijave- iz člana 270. Krivičnog zakona Brčko distrikta BiH i - Nedozvoljena trgovina - iz člana 261. stav 1. Krivičnog zakona Brčko distrikta BiH, a što je i htio, osmislio i u navedenu svrhu međusobno povezao svoga brata H. M. kao osnivača i lice ovlašteno za zastupanje samostalnog preduzetnika „WEB EXPERT“ Brčko i E. P. uposlenika navedenog preduzeća koji su bili svjesni da na taj način postaju pripadnici grupe ljudi u cilju vršenja navedenih krivičnih djela, a što su i htjeli, kao i druga njima poznata fizička lica vlasnike raznih „WEB“, „Facebook“ i „OLX“ prodajnih portala, da bi isti potom dogovaranjem, zajedničkim djelovanjem i direktnom internom saradnjom u spomenutom vremenskom intervalu provodili aktivnosti koje su se odnosile na prodaju robe koju je preduzeće „KONIG“ d.o.o. uvozilo u Bosnu i Hercegovinu, na način da su nakon uvoza i plaćanja uvoznih dažbina (carine i poreza na dodatnu vrijednost) koristeći pravno lice „KONIG“ d.o.o. manji dio uvezene robe, a kako bi prikazali određenu poslovnu aktivnost navedenog pravnog lica, prodavali žiralno po izrazito niskim prodajnim cijenama poslovnim subjektima u njihovom vlasništvu i to s.p. „VELEX-POSUĐE“ Brčko i s.p. „WEB EXPERT“ Brčko, dok su preostali veći dio uvezene robe prodavali na tržištu Bosne i Hercegovine na crno, na način da su angažovali njima poznata lica vlasnike raznih „WEB“, „Facebook“ i „OLX“ prodajnih portala, koja su postupajući prema njihovim uputama preko interneta koristeći Facebook stranice, „OLX“ prodajne portale kao

i „WEB SHOP-ove vršila prodaju navedene uvozne robe, kojom prilikom prodana roba koja je plaćena žiralno sa računa drugih pravnih lica se prikazivala u knjigovodstvu i za istu su se izdavale poreske fakture i fiskalni računi uz fakture, dok za robu koja je kupcima prodavana preko interneta i za gotov novac, uopšte nisu izdavali fiskalne račune, već se naknadno vršili razduženje robe po vrijednosti koja je izražena na kalkulacijama, kroz prodaju u maloprodaji, te su u tu svrhu u preduzeću „KONIG“ uspostavili sistem dvojnog knjigovodstva, na način da su evidentirali sve transakcije po knjigovodstvenim vrijednostima, dok je za potrebe imenovanih postojala druga evidencija u kojoj su se evidentirale stvarne prodaje, te su na taj način ostvarivali drastične razlike u knjigovodstvenim i stvarnim prodajnim cijenama, a samim time i razlike u iskazanim i stvarno ostvarenim prihodima, pa su tako, osim toga, unutar navedenog pravnog lica uspostavili mrežu programa preko kojih su vršili nadzor prodaje i fingiranje količine, vrste i cijene robe kao i fiktivno knjiženje robe po cijenama koje su evidentirane kao prodajne cijene i sa istih vršili razduživanje i izdavanje fiktivnih fiskalnih računa, te su tako evidentirana fiktivna knjiženja i evidencije o prodaji predstavljale osnov za obračun i prijavu poreskih obaveza, dok je stvarni iznos prodane robe koja se direktno prodaje koristeći internet izvore višestruko veći, što se ostvaruje na taj način, da se prodaja radi iza skrivenih naloga, a dostava artikala kupcima vrši posredstvom brze pošte isključivo za novac u gotovini, te su na taj način onemogućavali utvrđivanje stvarne oporezovane dobiti preduzeća „KONIG“ d.o.o. Brčko od strane Poreske uprave Brčko distrikta BiH,

dakle V. H. organizovao grupu ljudi u cilju počinjenja krivičnih djela propisanih zakonom u Brčko distriktu Bosne i Hercegovine za koja se može izreći kazna zatvora od tri godine ili teža kazna, a M. H. i E. P. postali pripadnici te grupe ljudi

V. H. :

2) Postupajući kao osnivač, vlasnik, stvarni direktor i lice ovlašteno za zastupanje preduzeća „KONIG“ d.o.o. Brčko, u ime i u korist tog pravnog lica izbjegao plaćanje poreza na dobit istog u ukupnom iznosu od 31.674,65 KM, ostvarenu u periodu od 01.01.2019. godine do 31.12.2019. godine propisanog članom 3. stav 1) tačka a), članom 20. stav 1), članom 21. stav 1) i članom 22. Zakonom o porezu na dobit Brčko distrikta Bosne i Hercegovine (Sl. Glasnik Brčko distrikta BiH broj 2/10), a što je i htio, tako što je dana 15.04.2020. godine u Brčkom sačinio i posredstvom formalnog direktora S. Z., koji je prethodno potpisao, podnio godišnju poresku prijavu, za ukupno ostvarenu dobit u 2019. godini, u kojoj je naveo netačan podatak da je ukupna oporeziva dobit preduzeća „KONIG“ d.o.o. Brčko za 2019. godinu iznosi 93,791,00 KM, iako je znao i bio svjestan da je stvarna ukupna oporeziva dobit navedenog pravnog lica u naznačenom periodu značajno veća i iznosi 410.536,48 KM,

3) Postupajući kao osnivač, vlasnik, stvarni direktor i lice ovlašteno za zastupanje preduzeća „KONIG“ d.o.o. Brčko, u ime i u korist tog pravnog lica, izbjegao plaćanje poreza na dobit istog u ukupnom iznosu od 38.414,10 KM, ostvarenu u periodu od 01.01.2020. godine do 31.12.2020. godine propisanog članom 3. stav 1) tačka a), članom 20. stav 1), članom 21. stav 1) i članom 22. Zakonom o porezu na dobit Brčko distrikta Bosne i Hercegovine („Sl. Glasnik Brčko distrikta BiH“ broj 2/10), a što je i htio, tako što je dana 18.03.2021. godine u Brčkom sačinio i posredstvom formalnog direktora S. Z., koji je prethodno potpisao, podnio godišnju poresku prijavu, za ukupno ostvarenu dobit u 2020. godini, u kojoj je naveo netačan podatak da je ukupna oporeziva dobit preduzeća „KONIG“ d.o.o. Brčko za 2020. godinu iznosi 162.965,00 KM, iako je znao i bio svjestan da je stvarna ukupna oporeziva dobit navedenog pravnog lica u naznačenom periodu značajno veća i iznosi 547.106,01 KM,

4) Postupajući kao osnivač, vlasnik, stvarni direktor i lice ovlašteno za zastupanje preduzeća „KONIG“ d.o.o. Brčko, u ime i u korist tog pravnog lica, izbjegao plaćanje poreza na dobit istog u ukupnom iznosu od 59.358,86 KM, ostvarenu u periodu od 01.01.2021. godine do 31.12.2021.

godine propisanog članom 3. stav 1) tačka a), članom 20. stav 1), članom 21. stav 19) i članom 22. Zakonom o porezu na dobit Brčko distrikta Bosne i Hercegovine (Sl.Glasnik Brčko distrikta BiH broj 2/10), a što je i htio, tako što je dana 22.03.2022. godine u Brčkom sačinio i posredstvom formalnog direktora S. Z., koji je prethodno potpisao, podnio godišnju poresku prijavu, za ukupno ostvarenu dobit u 2021. godini, u kojoj je naveo netačan podatak da je ukupna oporeziva dobit preduzeća „KONIG“ d.o.o. Brčko za 2020. godinu iznosi 252.266,00 KM, iako je znao i bio svjestan da je stvarna ukupna oporeziva dobit navedenog pravnog lica u naznačenom periodu značajno veća i iznosi 845.854,60 KM.

dakle izbjegao plaćanje davanja propisanih poreskim zakonodavstvom u Brčko distriktu, dajući lažne podatke stečenom oporezivom prihodu, a iznos obaveze čije se plaćanje izbjegava prelazi 50.000,00KM.

5) Dana 15.03.2023. godine u Brčkom postupajući kao osnivač, vlasnik, stvarni direktor i lice ovlašteno za zastupanje preduzeća „KONIG“ d.o.o. Brčko, u ime i u korist tog pravnog lica, sačinio i posredstvom formalnog direktora S. Z., koji je prethodno potpisao, podnio godišnju poresku prijavu, propisanu članom 22. stav 1. Zakonom o porezu na dobit Brčko distrikta Bosne i Hercegovine (Sl.Glasnik Brčko distrikta BiH broj 2/10), za ukupno ostvarenu dobit u 2022. godini, u kojoj je naveo netačan podatak da je ukupna oporeziva dobit preduzeća „KONIG“ d.o.o. Brčko za 2022. godinu iznosi 508.221,00 KM, iako je znao i bio svjestan da je stvarna ukupna oporeziva dobit navedenog pravnog lica u naznačenom periodu značajno veća i iznosi 591.539,12 KM, a što je i htio,

dakle, dostavio poreskom organu lažnu prijavu čije se podnošenje po poreskom zakonodavstvu u Brčko distriktu zahtijeva,

čime su radnjama opisanim pod tačkom 1. V. H. počinio krivično djelo -Udruživanje radi počinjenja krivičnih djela - iz člana 334. stav 1) Krivičnog zakona Brčko distrikta Bosne i Hercegovine, a M. H. i E. P. krivično djelo - Udruživanje radi počinjenja krivičnih djela - iz člana 334. stav 2) istog zakona, dok je V. H. radnja pod tačkom 2, 3 i 4 optužnice počinio produženo krivično djelo - Poreska utaja - iz člana 267. stav 2), a u vezi sa članom 55. Krivičnog zakona Brčko distrikta BiH, a radnjama pod tačkom 5. krivično djelo - Podnošenje lažne poreske prijave - iz člana 270. Krivičnog zakona Brčko distrikta Bosne i Hercegovine, za koja je na osnovu člana 128. tačka c) Krivičnog zakona Brčko distrikta BiH, odgovorno pravno lice „KONIG“ d.o.o. Brčko.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica****
